



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **De Vita Et Moribus Ioannis De Almeida Societatis Iesu Presbyteri**

**Macedo, António de**

**Romae, 1671**

Capvt Octavvm. Redit cum Neophytis ad S. Paulum: nonnulla in itinere  
edit prodigia.

**urn:nbn:de:hbz:466:1-44105**

nem apud Fideles , Ethnicosque reddidit sanctitatis famà illustrè effecitque , vt Carigij illius moti consilijs patrias desererent sedes, & in proximam Lusitanorù Coloniam confestim iter arriperent.

CAPVT OCTAVVM .

*Redit cum Neophytis ad S. Paulum : nonnulla in itinere edit prodigia .*

**I**gitur vbi Neophytis delibèratum nouas ad S. Paulum sedes querere , in quibus commodiùs viuere Lusitanorum tecti præsidio , & nostrorum opera hominum utiliùs excoli possent ; ingens virorum , faminarum , & puerorum turba , Ioanne duce , & authore , in viam se dederunt . Coeterùm quia per infesta barbararum gentium incursionibus.



loca transitori erant, seruata inter se militari more iusti exercitus specie, & instructo veluti ad pugnam agmine, procedere opus fuit, nequà hostibus obnoxij forent. Confecto iam magna ex parte itinere, syluis vt plurimum densissimis impedito, & altissimis montium iugis immenso labore superatis, ventum in campos floribus varijs, herbisque odoriferis vestitos, vndè facilis ad S. Paulum, & expedita via ducebat: ibi loci commoditate allectum sacris operandi desiderium vehemens Ioannem cepit. Ara igitur raptim à Socijs excitata, solo circum circa floribus, ac frondibus, palmarumque ramis, ornatùs gratia, instrato, Missæ Sacrificium inchoauit; aderant omnes intentis in facientem oculis: ecce tibi sacram in altum atollente hostiam, vt ab omnibus

con-



conspici, & adorari posset, de  
repentè mouere se loco frondes,  
agitari tripudiantium more flo-  
res, palmeque visæ, & susurrum  
quemdam edere iucundissimum,  
ceu gestirent illa Deum ratione  
laudare, & Ioanni applaudere  
sacrificanti. Omnium eò con-  
uersi oculi prodigio fidem fece-  
runt. Attonitos spectaculum  
circumstantes tenuit: primùm  
insolitæ rei aspectu commoueri;  
mox letari; demùm superis gra-  
tias agere, quòd felici illo omine  
confirmati pergerent alacres re-  
liquum viæ conficere, & benè de  
euentu sperare discerent.

Erectis ibi pro tempore tugu-  
rijs paululùm substiterunt, tum  
vt fractas à longi & insueti itine-  
ris labore vires reficerent; tum  
vt ferarum venationi, quibus vi-  
cini abundabant saltus, vacarent.  
Accidit interim importunè, vt  
inie-



iniecto de industria in proximam  
fyluam igne, quò feræ suis è la-  
tibus in medium prodire coa-  
ctæ, facilè in iacula venatorum,  
qui omnes fyluarum aditus, exi-  
tusque præcluserant, inciderent,  
præsens sibi crearent, suisque  
rebus periculum; nam cum ve-  
natio felicissimè procederet, &  
magnus iam ferarum numerus  
confectus esset, flante vehemen-  
tius vento, perlatus ultra quàm  
vellent, ignis, totam latè fyluã,  
tuguria etiam tumultuaria ope-  
rà excitata, & arborum contecta  
ramis, fædo vastauit incendio,  
& impedimenta, corripuit, &  
consumpsit: vnum superfuit in  
medijs flammis Almeidae breuia-  
rium, quod hæ vixdum attige-  
rant, cum resilierunt; & quæ se  
audaciùs obtefte fumo eiecerant,  
attonitæ hæserunt primùm, dein-  
dè refugerunt, ceu Numen sen-  
tirent.



tirent , & verso in religionem  
ausu, coiere in orbem, & coronæ  
instar circumfuderunt se se; & in  
vacuum , quem reliquerant, si-  
num, medium receperunt : mox  
arcuato ductu molliter erectæ in  
altum , more Iridis , cinxere co-  
dicem : putares flammæ innati  
ascendēdi appetitū oblitæ alie-  
no impetu cieri : nec illud erat  
moueri , sed gestirè : nunc ire ,  
& aggredi : nunc redire , ac ce-  
dere: rursūm conglobari, & den-  
fari : iterūm explicari , & solui :  
interdum se fumo inuoluere , &  
condi ; interdum erumpere , ac  
lucere innoxia . Ita diuinæ psal-  
modiæ codex alludente magis ,  
quàm lædente flāma, illæsus per-  
mansit , & intactus ; quod rari  
prodigij loco habitum est . Con-  
stat rem totam à socijs tum vi-  
sam , & multorum postea testi-  
monijs confirmatam .

Tri-



Tribus in itinere mēſibus iam exactis, S. Paulum ſuis cum Neophytis Ioannes peruēnit, fractis ad eò viribus, æſtu conſectus, & fame, vt vix ab amiciffimis agnoſceretur: eam tamen in ore lætitiā, eam in oculis alacritatem præferebat, vt omnibus palām faceret, ſe labores, & ærumnas animarum cauſā perpeſſas in ſummis habere delicijs. Cæterū quia alienæ vtilitatis cura antiquiffima illi erat, egit protinūs cum primoribus Luſitanorum, vt commodas nouis hoſpitibus ſedes conſtituerent; agros etiam ipsis aſſignarent, in quibus varia frugum genera, mandiocam præfertim, ad victū fererent (genus id eſt herbæ, portulacæ magnitudine, cuius radicem Braſili contundunt, cōtuſam exprimunt; tum ad Solem exſiccant, molis deinde conterunt,



runt, & in farinam non ingrati  
saporis redigunt) eaque vitæ ra-  
tione contenti in fide pariter, ac  
fede persisterent, & strenuam  
Lusitanis operam, si fortè aduer-  
sus hostes bellandum esset, a-  
micorum more, præstarent. Plu-  
ra quàm petebat, à Lusitanis ob-  
tinuit. Ergò dum Neophyti no-  
uiis ad S. Paulum fundandis Co-  
lonijs, & colendis insistent agris,  
Almeida excolendis illorum ani-  
mis diligentem cœpit nauare  
operam, pari iuxta labore, ac  
prouentu.

### CAPVT NONVM.

*Quatuor simul pagorum curam  
gerit, & rem Christianam  
valdè promouet.*

**E**X ijs quæ superiori capite  
narrauimus, satis constat  
Bra-